

Ekskluzive

Ekskluzive | Të shtëna në një dasmë në Vushtrri – Policia lokalizon ahengun, pronari dorëzon armën dhe përfundon në ndalim



Sinjali.com

21 Gusht 2026 09:43



Një aheng familjar në Vushtrri ka marrë tjetër drejtim mbrëmjen e së enjtes, pasi të shtënat me armë kanë çuar Policinë deri te shtëpia ku po mbahej dasma, mëson Sinjali.

Rasti ka ndodhur më 20 gusht, rreth orës 22:00, në rrugën “Haxhi Zeka” në Vushtrri.

Sipas informacioneve që ka siguruar Sinjali, Policia kishte pranuar informacion se gjatë një dasme po kishte të shtëna me armë zjarri. Njësitet policore janë nisur drejt lokacionit dhe kanë arritur ta identifikojnë shtëpinë ku po zhvillohej ahengu.

Pas kontaktit me pronarin e shtëpisë, **Blerim Lahi**, 53 vjeçar, ai ka bashkëpunuar me zyrtarët policorë dhe ka dorëzuar një armë të shkurtër, e cila dyshohet të jetë armë me gaz.

Bashkë me armën është dorëzuar edhe një karikator i kalibrit 9 mm, ndërsa gjatë veprimeve në vendngjarje Policia ka gjetur dhe sekuestruar edhe dy gëzhoja, që dyshohet se i përkasin së njëjtës armë.

53-vjeçari është shoqëruar në stacion policor, ku është intervistuar nga Njësia e Hetimeve lidhur me rrethanat e të shtënave.

Pas intervistimit dhe konsultimit me Prokurorin kujdestar, ndaj Lahit është marrë vendim për ndalim prej 48 orësh.

Rasti është iniciuar për veprat “Mbajtja në pronësi, kontroll ose posedim i paautorizuar i armëve” dhe “Përdorimi i armës apo mjetit të rrezikshëm”, ndërsa hetimet vazhdojnë.

Shënim: Personat e apostrofuar në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitnes
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera